

ጳውሎስ ኤፌሶና አሳው ፃፊዳ ኪታ ጌሉዋ

ጳውሎስ ኤፌሶናን ዳዒያ አሳሲ ፃፊዳ ኪታን ኡባባፔ አሊዳ ኢ ጌሌዳዋ፡ «ፆሳ ቆፋ ኦሱዋን ፔሻናዌ ሳሉዋኒኔ ሳዓን ዳዒያባይ ኡባይ ኢቲፔ ሺቂዳ፡ ኢቲ ኪሪሰቶሳ ማታ ጋርሳን አቂያ ዎዲ ጋካና» ያጌያ ቆፋ (1:10)። ሄዋ ቦላንካ ጉጂይ ዬሱሲ ኪሪሰቶሳና ኢቲፔ ጌዲዳ፡ አሳ ዛሪያ ኡባይ ኢቲዋ ጌዳና ማላ፡ ሃ ዎልቃማ ቆፋ ኦሱዋን ፔሻናዳን ፆሳ አሳ ሃሳዪሴ።

ኤፌሶና ኪታይ ኮይሮ ሳን ፃፊ ኢቲፔቴላዋ ፃፋናው ደሜዳዎ አሲዳ፡ ፆሳይ አዉ ባሪ አሳ ዎቲ ደሪዴንቶ፡ ኡንቲንቲካ አ ናዓ፡ ዬሱሲ ኪሪሰቶሳን ባሪንቲ ናጋራፔ ማሪቴዳ፡ ዋኒ ላዓ ኬሴዴንቶኔ ፆሳ ዎልቃማ ሂዶታ ቃላይ ጌሻ አያና ባጋና ዎቲ ኤሪቴዴንቶ ኦዴ። ላዒሊያ ሻኩዋን ቃሲ ፃፊ ሃ ኪታ ናባቢያዋንቲ ባሪንቲ ኢቲፔቴላ ዴዑዋን ኪሪሰቶሳን ኡንቲንቲሴ ዳዒያ ኢቲፔቴላይ ቲማ ጌዳና ማላ ኡንቲንቲ ዋኒዴ ዳዓናው ቤሲንቶ ቆፊሴ።

አሳይ ኪሪሰቶሳን ዳዒያ ኢቲፔቴላን ዋኒዴ ዳዓናው ዳንዳዪንቶ ዲማ ዲማ ሂላ ሃሳያን ቆንጨዳ። አማኒያ አሳይ ኢቲ አሳቴላ ለሚሱዋ ጌዲያ ዎዴ፡ ኪሪሰቶሲ ሄ አሳቴላው ሁጲያ ጌዴ። አማኒያ አሳይ ጌምቢያ ጎሊያን ለሚሴቲያ ዎዴ፡ ኪሪሰቶሲ ሄ ጌምቢያ ጎሊው ጎዳ ፃጶዋ ሚኒሲያ ዋና ሹቻ ጌዴ። አማኒያ አሳይ ማቸያዳን ለሚሴቲያ ዎዴ፡ ኪሪሰቶሲ አሲናዳን ጌዴ። ፃፊያዌ ኪሪሰቶሳ ባጋና ቆንጨዳ ፆሳ አጶ ኬካቴላ ዳር ጶቂሲ ናሺ ሃሳዪዳ፡ ጨማቴዳ ቆፋ ሺሼ። ኢ ኡባባካ ኪሪሰቶሳ ሲቁዋን፡ ኢ ያርሼቶዋን፡ አ ማርቴላን፡ አ አጶ ኬካቴላኒኔ አ ሳርቴላ ባጋና ጌሌ።

ሺምጋቲዋ ኡባቲዋሲ አሜቴዳ ቃንላ ቆፋቲዋ

- ጌሉዋ (1:1-2)
- ኪሪሰቶሳኒ አማኒያ አሳ (1:3-3:21)
- ኪሪሰቶሳን ቤቲያ ኦራላ ዴዑዋ (4:1-6:20)
- ዉርሴላ ቁቲያ (6:21-24)

1 ታኒ ያሳ ሼኒያን ኪሪሰቶሲ ዩሱሲ ኪቴዳ ጳውሎስ፡ ኤፌሶናን ዴዒያ ያሳ ናናው ቃሲ ኪሪሰቶሳ ዩሱሳው አማኔቲዴ ዴዒያዋንቶ ሃ ደቢዲቢያ ፃፋይ።

2 ያሳ ኑ አወዋፔኔ ጎዳ ዩሱሲ ኪሪሰቶሳፕ ኣቆ ከካቴላዪኔ ሳርቴላይ ሂንቴንቶ ጊዶ።

ኪሪሰቶሳፕ ቤቲያ እያና አንጂዋ

3 እያና አንጂዋ ኡባን ኪሪሰቶሳ ባጋና ቦላ ሳሉዋን ኑና አንጂዳ ያሳ፡ ኑ ጎዳ ዩሱሲ ኪሪሰቶሳ አወዋ፡ ኑኒ ጋላቴቶ።

4 ኑኒ አ ሲንላን ጌሻቱዋኔ ፖኩ ባዪናዋንታ ጊዳና ማላ፡ ያሳይ ኑና ሳባይ ሜዴታናፕ ካሴ፡ ኪሪሰቶሳ ባጋና ባሬ ሲቁዋን ዶሬዳ።

5 ያሳይ ባሬ ሼኒያን ባሬ ዶሴዳዋዳን፡ ዩሱሲ ኪሪሰቶሳ ባጋና ኑና ባሬ ናናቱዋ ኦላናው ካሴቲዴ ቆፒ ዋሌዳ።

6 ያሳይ ባሬ ሲቁያ ናባ ባጋና ኑሲ ጮ አሜዳ ኣቆ ከካቴላ ቦንቹዋ ዲራው፡ ኑፔ ጋላታ አካናው ሄዋ ኦሌዳ።

7 ኑኒ ያሳ ኣቆ ከካቴላ ዳሩዋዳን፡ ኪሪሰቶሳ ሱላን ዋዜቴዶ፤ ሄዋን ያሳይ ኑ ናጋራ አቶ ጌዳ።

8 ያሳይ ባሬ አቆዳ ኤራቴላ ኡባኒኔ ባሬ ዋዛና ቆፋ ኡባን ባሬ ኣቆ ከካቴላ ኑሲ ዳሪሲዴ አሜዳ።

9 ኣዩሲ ጎፔ፡ ያሳይ ባሬ ቆፔዳዋ ኦሌዳ፤ ቃሲ ኪሪሰቶሳ ባጋና ፖላናው ቆፒ ዋሌዳ ጸራ ዩወዋ ኑና ኤሪሴዳ።

10 ያሳይ ዋዲያ ወርሴላይ ጋኪያ ዋዴ ፖላናው ቆፔዳ ቆፋይ ኪሪሰቶሳ ዋና ኡዲዳ፡ ሳሉዋኒኔ ሳባን ዴዒያ ሜዴታ ኡባ ኢቴፔ ኣኒ ሺሻናዋ።

11 ኡባባይ ያሳ ቆፋዳኒኔ ኢ ጌዳዋዳን ሃኔዳ፤ ያሳይ ካሴቲዴ ቆፒ ዋሌዳዋዳን፡ ኪሪሰቶሳ ባጋና ኑኒ አዋንታ ጊዳናዳን፡ ኑና ዶሬዳ።

12 ኑኒ ካሴቲዴ፡ ኪሪሰቶሳ ባጋና ኣካና ጊዴ ናሼቻን ናጊያዋንቱ፡ ያሳ ቦንቹዋ ጋላቴቶ።

13 ሂንቴወካ ቃሲ ሄዋዳን ሃኔዳ፤ ቱሙ ኪታ፡ ሂንቴንቶ አቶቴላ ኣሄዳ ሚሺራቹዋ ቃላ፡ ሂንቴ ሲሴዳ ዋዴ ኪሪሰቶሳ አማኔዲታ፤ ያሳይ ሂንቴንቶ አማና ጌዳ ጌሻ እያና ባጋና፡ ሂንቴ አዋ ጊዲያዋ ኤሪሲያ ማታፋ ሂንቴ ቦላ ዋሌዳ።

14 ያሳይ ባሬ አሳው አማና ጌዳዋ ኑኒ ላታና ጋካናው፡ ጌሻ እያና ዋሴቴላ ኦይቄዶ። ሄዌ ቃሲ አ ቦንቹዋሲ፡ ጋላታ ጊዳናዋ።

ጳውሎስ ኤፌሶና አሳው ዋሴዳ

15 ሄዋ ዲራው፡ ጎዳ ዩሱሳ ሂንቴ አማኒያዋኔ ጌሻቱዋ ኡባ ሂንቴ ሲቁያዋ ታኒ ሲሶዴፔ ዶማዴ፡

16 ሂንቴንቶ ያሳ ጋላቴያዎ አጋቤዪኬ፤ ያሳ ዋሳዴ ሂንቴወካ ዋሳይ።

17 ቃሲ ጎዳ ዩሱሲ ኪሪሰቶሳ ያሳይ፡ ቦንቹዋ አው፡ ያሳ ሂንቴ ኤራናዳን፡ ሂንቴና አጼዳ ኤራንቻ ኦሊያ ቃሲ ያሳ ሂንቴንቶ ቆንጨሲያ ጌሻ አያና ሂንቴንቶ ኢማናዳን፡ ታኒ ዋሳይ።

18 ያሳይ ሂንቴ አካና ጊዴ፡ ናሼቻን ናጊ ኡቴዳዎ ሂንቴና ያሳይ ያሳይ ኢ ባሬ አሳው ኢማና ጊያ አንጂ አይ ከና ዲራንቶ ሂንቴ ኤራናዳን፡ ያሳይ ሂንቴ ዋዛና ዶዪና፡ አ ፖዑዋ ሂንቴ ቤዓናዳን፡ ታኒ ያሳ ዋሳይ።

19-20 ቃሲ አ አማኒያ ኑናን አ ዋልቃይ ሎይሊ ኦፊ። ሃ ኑናን ዴዒያ ዋልቃይኔ ሃዪቁዋፔ ኪሪሰቶሳ ዴንሊዴ፡ ሳሉዋ ሳዓን ያሳፔ ኡሼቻ ባጋና * ኡቲሴዳ ዋልቃማ ዋልቃይ ኢቱዋ።

21 ኪሪሰቶሲ ሳሉዋ ሱንሳቱዋፔ፡ ጎዳቴላይ ዴዒያዋንቱፔ፡ ዋልቃማቱዋፔኔ ጎዳቱዋ ኡባፔ ቦላ ጊዲዴ ዋዴ፤ ኢ ሃዒ ዴዒያ ዩሌታ ያላላን ጊዴናን፡ ሲንሳፔ ያና ዩሌታኒካ ሃራ ሱንሳቱላ ኡባፔ ጶቄ።

22 ያሳይ ኡባባ ኪሪሰቶሳ ጌዲያፔ ጋርሳን ሞዲሲዴ፡ ቃሲ ያሳይ ኢ ኡባባኒ ኡባፔ ቦላና ጎዳ ጊዳናዳን፡ ዋሳ ጎሌው አ ኢሜዳ።

23 ዋሳ ጎሊ ኪሪሰቶሳ አሳቴላ፤ ዋሳ ጎሊ ኪሪሰቶሲ ኡባሳን ኡባባ ኩንሊያ አ ፖሉዋ።

2

ኪሪሰቶሳን ሃዪቁዋፔ ዴዎ ፒኒያዎ

1 ሂንቴ አዛዜቱናን ኢጻዳ ዲራውኔ ሂንቴ ናጋራ ዲራው፡ ካሴ ዋዲያን አያና ሃዪቁዋ ሃዪቁዲታ።

2 ሄ ዋዴ ሂንቴ ሃ አሳሚያ ዩሌታ ኢታ ኦጊያ ሃሜቱዲታ፤ ጨርኩዋ ጊዶን ዴዒያ ዋልቃማ አያናቱዋ ካፖ ቃሲ ያሳው አዛዜቱና አሳ ሃዒ ዋዲያ አያናው አዛዜቱዲታ።

3 ኑኒካ ቃሲ ኡባይ ሄ አሳ ማላ፤ ቃሲ ኑኒ ኑ አሹዋ አሙዋዳን ዴዒዶ፤ ኑ አሹኔ ኑ ዋዛናይ ኮዩዳዎ ኦፊዶ። ኑኒካ ሃራቱዋዋዳን፡ ኑ ሜዴታን ያሳ ሃንቁዋ አካናው ዴዒቶ።

4 ሺን ያሳ ማርቴላይ ዳራ ጊዲያ ዲራው፡ ባሬ ሲቁዋ ዳሩዋዳን፡

* 1:19-20 ኡሼቻ ባጋ፡ ዋልቃይ ቦንቹዋ ሳዓ። 1:19-20 ማዝ 110:1 1:22 ማዝ 8:6 1:22 ቆል 1:18

5 ኑኒ አው አዛዜቴናን ኢጲዳ፣ ሃራይ አቶ አያናን ሃዩቁዳዋንታ ጊዲናካ፣ ኢ ኪሪሰቶሳና ኑሲ ዴዑዋ ኢሜዳ። ያሳ አቶ ኬካቴላን ሂንቴ አቴዲታ።

6 ኑኒ ኪሪሰቶሲ ዩሱሳና ሳሉዋኔ ሳዓኔ ሞዳናዳን፣ ያሳይ ኑና አናና ኢቲፔ ሃዩቁዋፔ ዴንፊዳ።

7 ኢ ሲንላፔ ያና ዎዲያን፣ ኑሲ ኪሪሰቶሲ ዩሱሳን ዴዒያ ኬካቴላን፣ ኡባፔ አጲያ ባሬ አቶ ኬካቴላ ቶቃቴላ ቤሳናው ሄዎ ኦሌዳ።

8 አዩሲ ጎፔ፣ ሂንቴ ያሳ አቶ ኬካቴላን፣ አማኑዋን አቴዲታ፤ ሃዌ ያሳ ኢሙዋፔ አቲን፣ ሂንቴ ኦሱዋና ጊዳና።

9 ሂንቴ ዳሱራን ቤቲቤና ዲራው፣ ሂንቴ ጨቁቴያባይ አያዩኔ ባዋ።

10 አዩሲ ጎፔ፣ ኑኒ ያሳ ሜጴታ፤ ኢ ኑሲ ካሴቲዴ ገገሲ ዎሌዳ ሎዎ ኦሱዋ ኑኒ አላናዳን፣ ኪሪሰቶሲ ዩሱሳ ባጋና ኑና ሜጴዳ።

ኪሪሰቶሳን ቤቲያ ኢቲፔቴላ

11 ሄዎ ዲራው፣ ሂንቴኖ ዛሪያን አዩሁዳ ጊዴና አሳቶ፣ ባሬንቱ አሳቴላ ቦላ ኩሺያን ኦሴቴዳዋን፣ ባሬና ቃፃሬቴዳዋንታ ጊያ አዩሁዳቴ፣ ቃፃሬቴቤናዋንታ ጊዴ ጴሲያዋንቶ፣ ሂንቴ ካሴ ኦኔንቶ አኬኪቴ።

12 ሄ ዎዴ ሂንቴ ኪሪሰቶሳፔ ሻኬቴዲታ፤ ኢማላ ጊዲዳ፣ ኢሰራዔሊያ አሳፔ ሃኪዴ ዴዔዲታ፤ ያሳይ ባሬ አሳው ኢማና ጊዴ ጫቁዳ ጫቁዋፔ አዩኔ ዴሚቤይኪታ፤ ሃ ሳዓ ቦላ ሂንቴ ዴማና ጊዴ፣ ናሼቻን ናገ ኡቴዳዎ ዴሜናኒኔ ቃሲ ያሳይ ባዩናን ዴዔዲታ።

13 ሺን ሂንቴ ካሴ ሃኪዴ ዴዒያዋንቱ ሃዒ ኪሪሰቶሳ ዩሱሳና ዴዒዳ፣ ኪሪሰቶሳ ሃዩቁዋን ማታ ሺቁዲታ።

14 አዩሲ ጎፔ፣ ኪሪሰቶሲ አዩሁዳ አሳኔ አዩሁዳ ጊዴና አሳ ኢቲዎ ኡዲዳ፣ ኑሲ ሳሮቴላ አሄዳ። አንቱንቱ ላዑዋ ሻኪዴ፣ ሞርኬ ኦሊ ዎሌዳ ሞርኬቴላ ጎዳ ባሬ አሳቴላን ኮሊ ዩጌዳ።

15 ኢ ባሬ ሁጴው ሃ ላዑ ዛሬቱዋፔ ኢቲ ኦራላ አሳ ሜጴዴ ሳሮቴላ ዎላናው፣ አዩሁዳ አሳቲዎ ሂጊያ አ አዛዛቱዋኔ ዎጋቲዋና ኢቲፔ ቶዩሴዳ።

16 ኪሪሰቶሲ ማስቃሊያ ቦላ ሚሲማሪያን ጲሼቴዴ ሃይቁዳ ባሬ ሃዩቁዋን ሞርኬቴላ ቶዩሴዳ፤ ቃሲ ማስቃሊያ ባጋና ላዑ ዛሬቱዋካ ኢቲ አሳ ኦሊ ሲጌሊዳ፣ ያሳኮ አሄዳ።

17 ኪሪስቶስ ዪዳ፡ ያሳፔ ሃኪዳ ዳዒያ ሂንቴንቶ አዪሁዳ ጊዳናዋንቶኔ፡ አ ማታን ዳዒያ አዪሁዳቶ ኡባው፡ ሚሺራቹዋ ቃላ ሳርቴላ ኦዳዳ።

18 አዪሲ ጎፔ፡ ኮኒ ኡባይ፡ አዪሁዳቱካ አዪሁዳ ጊዳናዋንቱካ፡ ኢቲ ጌሻ አያናን ኪሪስቶሳ ባጋና አዉዋ ሲንላ ሺቃናው ዳንዳዬቶ።

19 ሲሚ ሂንቴ አዪሁዳ ጊዳና አሳቱ ሃዋፔ ሲንላው አላጋ ዎይ ኢሚላ ጊዲኪታ፤ ሃዒ ሂንቴኔ ጌሻቱ ኢቲ ቢታ አሳ፤ ቃሲ ያሳው ሂንቴ ሶይ አሳ።

20 ዬሱሲ ኪቴዳዋንቱኔ ቲምቢቲያ ኦዲያዋንቱ ባሴዳ ባሱዋ ቦላ ሂንቴካ ኬፃቴዲታ፤ ጎዳ ፃጹዋ ሚኒሲያ ዋና ሹቻይ ኪሪስቶሲ ዬሱሳ።

21 ኢ ጎሊያ ኡባ ኢቲፔ ሺሺ ኦይቂዳ፡ ያሳ ባጋና ጌሻ፡ ያሳ ጌሻ ጎሊ ጊዳና ማላ ዲቹ።

22 ሂንቴ ቃሲ ያሳይ ባሬ አያናን ዳዒያ ጎሊያ ጊዳናው፡ ሃራቱዋ ኡባና ኢቲፔ ኪሪስቶሳን ኬፃቴታ።

3

ጳውሎሲ አማኔና አሳው አሴዳ ኦሱዋ

1 ሄዋ ዲራው፡ ሂንቴኖ አዪሁዳ ጊዳና አሳቶ፡ ታኒ ጳውሎሲ ሂንቴ ዲራው ኪሪስቶሲ ዬሱሳ ቃሾ አሳ ጊዳዳዌ፡ ያሳ ዎሳይ።

2 ያሳይ ባሬ አጶ ኬካቴላን፡ ታኒ ሂንቴና ማዳናዳን፡ ሃ ኦሱዋ ታው ኢሜዳዋ ሂንቴ ሎይሊ ሲሴዲታ።

3 ያሳይ ባሬ ፀራ ቆፋ ታው ቆንጨሲዳ፡ ታና ኤሪሴዳ፤ ታኒ ሄዋ ቃንላን ፃፋዲ።

4 ቃሲ ታኒ ፃፌዳዋ ሂንቴ ናባቢያ ዎዳ፡ ኪሪስቶሳ ፀራ ታኒ ዎታ አኬካዲታንቶኔ ኤራናው ዳንዳዬታ።

5 ቤኒ ዎዳ አሳይ ሄ ፀራ ዬዉዋ ሲሲቤና፤ ሺን ያሳይ ሄዋ ዬሱሲ ኪቴዳ ያሳ ናናቶኔ ቲምቢቲያ ኦዲያዋንቶ፡ ጌሻ አያናን ሃዒ ቆንጨሴዳ።

6 ፀራ ዬዉ ሃዋ፤ አዪሁዳ ጊዳና አሳይ ዎንጋላ ባጋና፡ ያሳ አንጂዋ አዪሁዳቱዋና ኢቲፔ ላቲኖ፤ ኡንቴንቱ ኢቲ አሳቴላን ሻኬቴናን ዳዒኖ፤ ቃሲ ኪሪስቶሲ ዬሱሳ ባጋና ያሳይ ኢማና ጌዳዋ አዪሁዳቱዋና ሻኪኖ።

7 ያሳይ ባሬ ኦሱዋ ዎልቃ ባጋና ታው ኢሜዳ አጶ ኬካቴላን ታኒ ሃ ዎንጋላው ቆማ ጊዳዲ።

8 ታኒ ጌሻቱዋ ኡባ ጊደን ላፊያዋ ጊደፔካ፥ አደሁዳ ጊደና አሳው ዛዋይ ባዩና ኪሪሰቶሳ ዲራቴላ ሚሺራቹዋ ቃላ ኦዲያ ሃ ቃዳ ያሳይ ታው ኢሜዳ።

9-10 ቃሲ ታኒ ሄዋን ያሳ ፀራ ቆፋ አሳ ኡባው ቆንጨሳ ኦዳና፤ ኡባባ ሜዴዳ ያሳይ ባሬ ፀራ ዬወዋ ቤኒ ዎዴ ጌንሲ ዎሌዳ። ያሳይ ሃዲ ሄዋ ዎሳ ጎሊያ ባጋና ሳሉዋ ሳዓን ዴዲያ ካፓቶኔ ጎዳቴላይ ዴዲያዎንቶ ዛዋይ ባዩና ባሬ አዴዳ ኤራቴላ ቆንጨሳናው ኦሌዳ።

11 ያሳይ ሄዋ ኑ ጎዳ ኪሪሰቶሲ ዬሱሳ ባጋና ኢ ፖሌዳ ባሬ ሜዲና ቆፋዳን ኦሌዳ።

12 ኑኒ ኪሪሰቶሲ ዬሱሳና ኢቲፔ ጊዲዴ፥ አ አማኒያ አማኑዎን አማኔቲዴ፥ አዩኔ ያዬናን ያሳ ሲንላ ሺቃናው ዳንዳዬቶ።

13 ሄዋ ዲራው፥ ታኒ ሂንቴዎን ሜቶቲያዎን ሂንቴ ሂርጌና ማላ፥ ሂንቴና ዎሳይ፤ አዩሲ ጎፔ፥ ታኒ ሂንቴ ቦንቾ ሜቶታይ።

ኪሪሰቶሳ ሲቁዋ

14-15 ሄዋ ዲራው፥ ታኒ ሳሉዋኒኔ ሳዓን ዴዲያ አማኒያ ጎሊያ አሳይ ኡባይ አፔ ዬዳ * ያሳ ሲንላን ጉልባታይ።

16-17 ያሳይ ባሬ ቦንቹዋ ዳሩዎዳን፥ ባሬ ጌሻ አያናን፥ ሂንቴንቶ ሂንቴ ጋርሳ አሳቴላን ሂንቴ ሚኒያ ዎልቃ ኢማናዲኒ፥ ቃሲ አማኑዋ ባጋና ኪሪሰቶሲ ሂንቴ ዎዛና ባሬ ጎሊያ ሜዳናዳን፥ ታኒ ያሳ ዎሳይ፤ ቃሲካ ሂንቴ ዓጹዋ ዬዲዴ፥ ቶኬቲዴ ሲቁዎን ሚናናዳን፥ ያሳ ዎሳይ።

18 ቃሲ ጌሻቱዋ ኡባና ኪሪሰቶሳ ሲቁ አይ ኬና አከንቶ፥ አዲሴንቶ፥ ዶቄንቶኔ ጨሜንቶ † ኤሪያ ዎልቃ ሂንቴንቴ ዴማናዳን፥ ታኒ ያሳ ዎሳይ።

19 ኤራቴላፔ አዲያ ኪሪሰቶሳ ሲቁዋ ሂንቴ ኤራናዲኒኔ ቃሲ ያሳዋ ጊዲያ ኡባባኒ ሂንቴ ፖሊ ኩማናዳን፥ ታኒ ያሳ ዎሳይ።

20-21 ሲሚ ኑ ጊደን ኦሊያ ባሬ ዎልቃ ባጋና ኑኒ ዎሲያዋ ዎይ ቆፒያዋ ኡባፔ ሎይሲ ዳሪሲ ኦላናው ዳንዳዬያ ያሳው፥ ዎሳ ጎሊያኒኔ ኪሪሰቶሲ ዬሱሳን ኡባ ዎዴ ሜዲናፔ ሜዲና ጋካናው ቦንቹ ጊደ። አሜንዲ።

* **3:14-15** አፔ ዬዳ፥ አፔ ዳንዳዎን፥ ኢቱዋ ኢቱዋ ሁጲያን ሁጲያን ኤሪያዋሳ።
† **3:18** አከንቶ፥ አዲሴንቶ፥ ዶቄንቶኔ ጨሜንቶ፥ ሃዌ ቤሲያዌ ሳሉዋን ዴዲያ ዬሩሳላሞ ዎይ ያሳ ሲቁዋ ዎይ ያሳ አዶ ኤራ ዎይ ዬሱሳ ማስቃሎው ዴዲያ ቢሊላ።

4

ቦላ ኢትፔቴላ

1 ሃዎ ዲራው፡ ታኒ ጎዳው ኦሲያ ዲራው ቃሼቴዳዌ ያሳይ ሂንቴና ፃሴዳ ፃሳው ቤሲያ ዳዑዎ ሂንቴ ዳዓናዳን፡ ታኒ ሂንቴና ዋሳይ።

2 ኡባ ዎዴ ሂንቴ ሂንቴ ሁጲያ ካዉሺያዎንታ፡ አሺኬቴዎኔ ዳንዳያንቻቱዎ ጊዲቴ፤ ኢቱ ኢቱዎ ማዲያዎን ሂንቴ ሲቁዎ ቤሲቴ።

3 ሂንቴና ኢትፔ ጋሲ ቃቺያ ሳርቴላን፡ ጌሻ አያናይ ሂንቴንቶ አሚያ ኢትፔቴላ ናገናው ሚኒቴ።

4 ያሳይ ሂንቴና ፃሴዳ ሂደታይ፡ ሂንቴ ዳማና ጊዳ ናገ ኡቴዳዌ ማፂ ኢቱዎ ጊደዋዳን፡ ኢት አሳቴላይኔ ኢት ጌሻ አያናይ ዳዔ።

5 ኢት ጎዳይ፡ ኢት አማኑኔ ኢት ፂንቃታይ ዳዔ።

6 ኡባ ጎዳይ፡ ኡባ ባገና ኦሲያዌ፡ ኡባ ጊደን ዳዒያዌ፡ ኢት ያሳይ፡ ኡባ አዉ ዳዔ።

7 ሺን ኪሪሰቶሲ አሜዳ አሙዋዳን፡ ኑኒ ሁጲያን ሁጲያን ዲማ አሙዋ አከዶ።

8 ሃዎ ዲራው፡ ያሳ ማፃፋይ፡

«ኢ ፑዴ ቶቃሳ ኬሴዳ ዎዴ፡

አሞዴቴዳዎንታ አፊዳ፤

አሳዉካ አሞታ አሜዳ»

ያጌ።

9 ያቲና፡ «ፑዴ ኬሴዳ» ጊያዌ ዋጊያዌ? ኢ ኮዪር ዲጌ ዎዴዳ፤ ሃዌ ሳዓው ሂርኪ ዉርሴላሳ ዎዴዳ ጊያዎ።

10 ሃ ዲጌ ዎዴዳዌ ባሪ ሁጲው አ፤ ሄ ኢ ኡባባ ኩማናዳን፡ ሳሉዎ ኡባፔ ቶቂያሳ ፑዴ ኬሴዳ።

11 አሳው አሞታ አሜዳዌ አ፤ ኢ ኢቱዎ ኢቱዎ ዩሱሲ ከቴዳዎንታ፡ ሃራቴዎ ቲምቤቲያ ኦዲያዎንታ፡ ቃሲ ሃራቴዎ ሚሺራቹዎ ቃላ ኦዲያዎንታ፡ ቃሲካ ሃራቴዎ ዎሳ ጎሊያ ካሌሲያዎንታኔ ታማሪሲያዎንታ ኦሲ ሱንሴዳ።

12 ኢ ሃዎ ጌሻቴ ኡባይ አማኒያ አሳ ኦሱዎ ኦላናዳኒኔ ኪሪሰቶሳ ቦላን ኬፃታናዳን ገገሳናው ኦሴዳ።

13 ቃሲ ኑኒ ኡባይ ያሳ ናዓ አማኒናኔ ኤሪና ቤቲያ ኢትፔቴላኮ ጋካና፤ ኑኒ ኪሪሰቶሳ ፖሎ ዲቻ ኬና ዲጨዴ፡ ደንዛ አሳ ጊዳናዳና።

14 ኮኒ ቤታን ያኔ ሃኔ ሾጩቲዳ፡ ባሬንቱ ጨሚያ ሃኖታን ኣሳ ባለ ኦጊያ ካሌሊያ ጌኒያ ኣሳ ቲሚርቲያ ጫርኩዋ ኡባን ሱጌቲዳ፡ ሃዋፔ ሲንሳው ናዓ ጊዳናው ቤሴና።

15 ሺን ኮኒ ሲቆቲላን ቱሙዋ ሃሳዪዳ፡ ሁጹ ጊዲያ ኪሪሰቶሳኩ ኡባባኒ ዲጫናው ቤሴ።

16 ቦላ ጊዳን ዲዒያ ዲማ ዲማ ሻኩታይ ኣኒ ኢቲፔ ኦይቁቲዲኖ፤ ቃሲ ኩሚንሳ ቦላይ ባሬው ኢሜቲዳሳ ኡባን ኢቲ ኢቲዋና ጋኬቲዳ፡ ኢቲፔ ኦይቁቲ ኡቲዳ፤ ሄ ዲማ ዲማ ሻኩታይ ኦላናው ቤሲያዋ ኦሊያ ዋዳ፡ ኩሚንሳ ቦላይ ሲቁዋን ዲጩኔ ባሬና ኬፆ።

ኪሪሰቶሳን ቤቲያ ኦራላ ዳዑዋ

17 ሄዋ ዲራው፡ ታኒ ሃዋ ሂንቲንቶ ጎዳ ሱንሳን ኦዲይኔ ማርካታይ። ሂንቲ ጎሲ ባዪና ቆፋ ቆፒያ ኣዪሁዳ ጊዳና ኣሳቱዋዳን ዳዖፒቲ።

18 ኢንቲንቱ ዋዛናይ ጳማኒ ዳዔ፤ ኢንቲንቱ ኣዪኔ ኤሬናዋንታኔ ኣዛዜቴና ዲራው፡ ያሳይ ኢሚያ ዳዑዋፔ ሃኬዲኖ።

19 ኢንቲንቱ ማታን ዬላ ጊያዌ ባዋ፤ ኢንቲንቱ ዋሹማው ካጃላናው ባሬንቱ ሁጹያ ኣሊ ኢሚኖ፤ ቃሲ ቱናባ ኡባ ፓጪ ባዪናን ኦላናው ሎይሊ ዮራቲያዋንታ።

20 ሺን ሂንቲ ኪሪሰቶሳዋ ሄዋዳን ታማሪቤዪኪታ።

21 ኣባ ቱሙ ሲሴዲታ፤ ቃሲ ቱማቲላይካ ዬሱሳን ዳዒያዋ፡ ኣፔ ታማሬዲታ።

22 ሂንቲ ካሴ ዳዒያ ዳዑዋ ኣጊቲ፤ ቃሲ ባሬ ጨሚያ ኣሙዋን ጳዪያ ሂንቲ ኤጫ ኣሳቲላ ጳዪሲቲ።

23 ሂንቲ ዋዛናይኔ ቆፋይ ኡባና ኦራፃናው ቤሴ።

24 ቱሙ ጂሎቲላኒኔ ጌሻቲላን ያሳ ለሚሱዋን ሜጴቴዳ ኦራላ ኣሳቲላ ማዪቲ።

25 ሲሚ ዋርዶቶፒቲ። ኮኒ ኡባይ ኪሪሰቶሳ ኣሳቲላን ኢቲ ኣሳ ጊዲያ ዲራው፡ ኣሳይ ኡባይ ባሬ ኢሻው ቱሙዋ ሃሳያናው ቤሴ።

26 ሃንቁቲቲ፤ ሺን ሂንቲ ሃንቁዋን ናጋራ ኦሶፒቲ። ሂንቲ ሃንቁዋን ዳዒሺን፡ ኣዋይ ዉሎፖ።

27 ፃላሂው ያዒያ ኢሞፒቲ።

28 ዉዒያ ኡራይ ሃዋፔ ሲንሳው ዉዖፖ፤ ሺን ሄዋ ኣጊዳ፡ ሄዬሳቲዋ ማዳናው፡ ባሬ ኩሺያን ሎዖባ ኦሊዳ ዳቡር።

29 ሂንቴ ሃሳይ ሲሲያዋንታ ጎሳና ማላ፡ ኮሺያዋደን ማንጹሱያ ሎዖ ቃላይ ሂንቴ ደናፔ ኬሶፔ ኣቲን፡ ኢታ ቃላይ ሙሉካ ኬሶፖ።

30 ያሳይ ሂንቴና ዋዚያ ጋላሳው ሂንቴ ኣታሜቲ ኡቴዳ ያሳ ጌሻ ኣያና ካዮፕፒቴ።

31 ኢጲያ ሃኖታ፡ ዪሉዋ፡ ሃንቁዋ፡ ዋሱዋኔ ጫሻ ኡባ ኢታቴላ ኡባና ሂንቴፔ ጳዪሲቴ።

32 ኢቱ ኢቶ ኬኪቴኔ ቃሬቲቴ፤ ቃሲ ያሳይ ኪሪሰቶሳ ባጋና ሂንቴንቶ ኣቶ ጌዳዋደን፡ ሂንቴካ ኢቱ ኢቱዋ ኣቶ ጌቴ።

5

ፖዑዋን ዳዒቲ

1 ሲሚ ያሳይ ሲቁያ ናናቲዋደን፡ ኣ ማላቲቴ።

2 ቃሲ ኪሪሰቶሲ ኑና ሲቁዳ፡ ባሬ ሁጲያ ያሳው ናሽቺያ ያርሹዋዳኒኔ ኢሞታ ኡዲዳ ኢሜዳዋደን፡ ሂንቴካ ሲቁዋን ዳዒናው ቤሴ።

3 ሺን ያሳ ናናው ቤሲያዋደን፡ ሂንቴ ጊዶን ዋሹሚያዌኔ ቱናቴላ ኡባይ፡ ዋይ ሚሻ ኣሞቲያዌ ሙሉካ ሲሴቶፖ።

4 ዪላዪያዌኔ ኤያ ሃሳይ ዋይ ፓሌና ቁጲ ሂንቴንቶ ቤሴናዋ ጊዲያ ዲራው፡ ሂንቴ ማታን ኡባካ ዳዖፖ፤ ሂንቴ ሄዋ ኡባ ኣጊዳ፡ ያሳ ጋላታናው ቤሴ።

5 ሃዋ ኤሪቴ፤ ኦኒኔ ዋሹሚያዋ ዋይ ቱናባ ኦሌያዋ፡ ዋይ ሚሻ ኣሞቲያዋ ጊዶፔ፡ ኪሪሰቶሳ ካዉቴላኔ ያሳ ካዉቴላ ላታናው ዳንዳዬና፤ ሚሻ ኣሞቲያዌ ኤቃው ጎዪኒያዋፔ ዲማቴና።

6 ሂንቴና ኦኒኔ ፓሌና ሃሳያን ጨሞፖ፤ ኣዪሲ ጎፔ፡ ሃዋ ጋሱዋን ያሳ ሃንቁ ኣዛዜቴና ኣሳ ቦላ ያና።

7 ሲሚ ሄዋ ማላ ኣሳና ዙፔቶፒቴ።

8 ኣዪሲ ጎፔ፡ ካሴ ሂንቴ ጳማኒ ዳዒዲታ፤ ሺን ጎዳ ባጋና ሃዒ ፖዑዋን ዳዒታ፤ ፖዑዋን ዳዒያ ኣሳደን ፖዑዋን ሃሜቲቴ።

9 ኣዪሲ ጎፔ፡ ፖዑ ሎዖቴላ፡ ዲሎቴላኔ ቱማቴላ ኡባ ኣዪፌ።

10 ጎዳ ናሽቺያባይ ኣዪንቶ ታማሪቴ።

11 ጎዒ ባዪና ጳማ ኦሱዋ ቆንጨሲ ቤሲቴፔ ኣቲን ኣናና ዋላኬቶፒቴ።

12 ኡንቱንቱ ጌማን ኦሌያዌ ሃሪይ ኣቶ ሃሳዪያዌካ ፖኬ።

13 ሺን ኡባባይ ፖዑዋ ኬሲያ ዎዳ፡ ቆንጨያን ቤታና፤ ኣዪሲ ጎፔ፡ ቆንጨያን ቤቲያ ኡባባይ ፖዑዋ።

5:2 ኬሰ 29:18፤ ማዝ 40:6

14 ህዋ ዲራው፡፡
 «ጌሚራሺያዎ፣ ቤጎታ፤
 ሃዪቁዋፔካ ዴንዳ፤
 ኪሪሰቶሲ ኔው ፖሊሳናዋ»
 ያጌ። *

15 ሲሚ ሂንቴ ዋኒ ዴሲንቶ አኬኪቴ፤ አዴዳ ኤራቴላና ዴሲያ አሳዳን ዴሲቴፔ አቴን፣ አዴዳ ኤራቴላይ ባዪና አሳዳን ዴዎፒቴ።

16 ዋዲ ኢታ ጊዲያ ዲራው፡ ሂንቴ ዋዲያ ሂንቴው ዳንዳዬቶዋዳን ሎዎቴላው ጎሴቴቴ።

17 ህዋ ዲራው፡ ጎዳይ ኮዪያዌ አዬንቶ አኬኪቴፔ አቴን፣ ኤያ ጊድፒቴ።

18 ቃሲ ሂንቴናን ጌሻ አያናይ ቃንፀናን ኩሞፔ አቴን፣ ሂንቴና ባዪዲያ ዋዪኒያ ጊያ ኤሳ ኡሺዴ ማሶቶፒቴ።

19 ማዚሙሪያ ዬላን፣ ጋላቴዴ ዬዲያዋኒኔ አያና ዬላን አቱ አቱዋና ሃሳዪቴ፤ ቃሲ ጋላቴያ ዬላኒኔ ማዚሙሪያ ዬዲያዋን ሂንቴ ዋዛናን ጎዳ ጋላቴዴ ዬዲያ።

20 ኑ ጎዳ ዬሱሲ ኪሪሰቶሳ ሱንላን፣ አጢዋ ያሳ ኡባባው ኡባ ዋዴ ጋላቴቴ።

አሲናባኔ ማቻቲባ

21 ኪሪሰቶሳው ያዪዴ፣ አቱ ኢቶ ሞዴቴቴ።

22 ማቼቶ፣ ጎዳው ሞዴቴያዋዳን፣ ሂንቴ አሲናው ሞዴቴቴ።

23 አዪሲ ጎፔ፣ ኪሪሰቶሲ ቃሲ ዋሳ ጎሊው ሁጴ ጊዲያዋዳን፣ አሲናይካ ባሬ ማቻቲው ሁጴ፤ ቃሲ ኪሪሰቶሲ ባሬ ሁጴያን፣ ባሬ ቦላ ጊዲያ ዋሳ ጎሊያ አሺያዋ።

24 ሺን ዋሳ ጎሊ ኪሪሰቶሳው ሞዴቴያዋዳን፣ ማቼቱ ቃሲ ባሬንቱ አሲናው ኡባባኒ ሞዴታናው ቤሴ።

25 አሲናቶ፣ ኪሪሰቶሲ ዋሳ ጎሊያ ሰቂዴ፣ ባሬ ሁጴያ ኢዚው አሜዳዋዳን፣ ሂንቴካ ሂንቴ ማቻቱዋ ሰቂቱ።

26 ኢ ዋሳ ጎሊያ ባሬ ቃላኒኔ ሃላን ሜጪ ጌሺዴ፣ ያሳው ዲማያናው ሃዋ ኦፊዳ።

27 ኪሪሰቶሲ ዋሳ ጎሊያ ቂታይ ዋይ ዴሙዋ ጪዲሲያዌ ዋይ ህዋ ማላቴያዌ ባዪናን፣ አ ኩሜንላ ቦንቹዋና ጌሻኔ ቦሬቴናዋ ኡዲዴ፣ ባሬ ሁጴው ሺሻናው ኮዬዳ።

28 ሲሚ ቃሲ አሲናይ ባሬ ማቻቶ ባሬ ቦላዳን ሲቃናው ቤሴ፤ ባሬ ማቻቶ ሰቂያዌ ባሬና ሰቂ።

* 5:14 ሃዌ ማዚሙሪያ ጊዲዴ አማኔዳ አሳይ ፃማቂቴያ ዋዴ ዬዲያዋ።

29 አዩሲ ጎፔ፣ ባሬ ቦላ ኢጲያ አሳይ ሙሌካ ባዋ፤ ሺን ኪሪስቶሲ ዋሳ ጎሊያ ሙዚያዋዳኒኔ ናጊያዋዳን ኦኒኔ ባሬ ቦላ ሙዜኔ ናጊ።

30 አዩሲ ጎፔ፣ ኦኒ አ ቦላ ዲማ ዲማ አሳቴላ።

31 ያሳ ማፃፋይ፤ «ሄዋ ዲራው፣ አቱማዌ ባሬ አወዋኔ ባሬ ዳዮ አጊዴ፣ ባሬ ማቻቲና ኢቲፔ ዳዳና፤ ኤንቱንቱ ላዑካ ኢቲ አሹዋ ጊዳና» ያጌ።

32 ሃ ፀራይ ዋልቃማ ቱማቴላ፤ ሺን ታኒ ሃዌ ኪሪስቶሳባኔ ዋሳ ጎሊያባ ኦዴ ያጋይ።

33 ጊዶፔካ፣ ቃሲ አሲናይ ሁጲያን ሁጲያን ማቺያ ባሬ ሁጲያዳን ሲቃናው ቤሴ፤ ማቻታካ ባሬ አሲና ቦንቻናው ቤሴ።

6

ዩሌዳዋንቱባኔ ዩሌቴዳ ናናቱዋባ

1 ናቶ፣ ሂንቴና ዩሌዳዋንቶ ጎዳ ቦንቺያዋዳን አዛዜቲቴ፤ አዩሲ ጎፔ፣ ሃዌ አላናው ቤሲያዋ።

2-3 «ኔው ኡባባይ ሎዓናዳኒኔ ሳዓን ኔ ላይላይ አዲቃናዳን፣ ኔ አወዋኔ ኔ ዳዮ ቦንቻ» ጊያ አዛዙ ያሳይ አማና ጌዳ ሂዶታና ዴዒያ ኮዪሮ አዛዙዋ።

4 አዋቶ፣ ሂንቴ ሂንቴ ናናቱዋ ጎዳ ሴራኒኔ ዞሪያን ዲቺቴፔ አቲን፣ ኤንቱንታ ሃንቄላፒቴ።

ጎዳቱዋባኔ አይላቱዋባ

5 አዩላቶ፣ ኪሪስቶሳው አሊያዋዳን፣ ሂንቴ ጎዳቶ ያሻቴላኒኔ ኮኮርሳን ሱሬ ዋዛናፔ አዛዜቲቴ።

6 ያሳይ ጌዳዋ አሊያዋንቱዳን፣ ኪሪስቶሳ አዩላቱዋዳን፣ ዋዛናፔ አሊቴፔ አቲን፣ አሳ ናሼቻናው አሊያዋዳን፣ አሳይ ቤያ ጊዴ አላፒቴ።

7 አሳው ጊዴናን ጎዳው አሊያዋዳን፣ ጲቤናን ዋዛናፔ አሊቴ።

8 አዩሌ ጊዴና ዋይ ዋማኑዋ ጊዴና፣ ኢ አሊያ ሎያ ኦሶ አባው ጎዳይ ሁጲያን ሁጲያን ዋዩታናዋ ኤሪታ።

9 ጎዳቶ፣ ሂንቴ አዩሌቱዋ ናሲያዋ አጊዴ፣ ኤንቱንቶ ሄዋዳን አሊቴ፤ ሂንቴናኔ ኤንቱንታ ጋሊ ዋዲያ ጎዳይ፣ ኦናኔ ማዲ ፐርዴናዌ፣ ሳሉዋን ዴዒያዋ ኤሪታ።

ያሳ ኦላ ሚሻቱዋባ

- 10 ወርሱላን፣ ጎዳኒኔ ኣ ዎልቃማ ዎልቃን ኡባ ዎዴ ሚኒቲ።
- 11 ፃላሂያ ኢታ ጨሙዎ ቲዓናው ሂንቲ ዳንዲያና ማላ፣ ያሳይ ሂንቲንቶ ኢሚያ ኦላ ማዩዎ ኡባ ማዩቲ።
- 12 ኣዩሲ ሳፔ፣ ኮኒ ቦላ ሳሉዎ ዴዲያ ኢታ ኣያና ዎልቃቱዋና፣ ዎዲያዎንቲና፣ ጎዳቲላይ ዴዲያዎንቲናኔ ሃ ቋማ ቢታ ዎዲያዎንቲና ኦሌቲያዎፔ ኣቲን፣ ኣሳና ኦሌቶኮ።
- 13 ሄዎ ዲራው፣ ኢታ ጋላሳን * ቲዓናወኔ ቃሲ ወርሱላይ ጋካናው ዎዴቶዎፔ ጉዩያን፣ ሚኒ ኤቃናው ሂንቲ ዳንዲያና ማላ፣ ያሳ ኦላ ሚሻ ኡባ ኦይቂቲ።
- 14-15 ሄዎ ዲራው፣ ፃሳን ሳቂያ ዳንጨያዎዳን ቲማቲላ ዳንጨይ፣ ቲራን ዎሊያ ኦላ ሚሻዳን ፂሎቲላ ማዩይ፣ ሂንቲ ጌዲያን ጫማ ዎሊያዎዳን ሳሮቲላ ሚሻራቹዎ ቃላ ኦዳናው ጊጊይ፣ ሚኒ ኤቂቲ።
- 16 ሄ ኡባፔ ኣሊይ፣ ፃላሂ ዩዲያ ዎንዳፊያ ታማ ኡባ ቶዩሳናው፣ ኣማኑዎ ኡባ ዎዴ ጎንዳሊያዳን ኦይቂቲ።
- 17 ኣቶቲላ ሁዲያን ዎሊያ ቢራታ ቆቢያዳን ዎሊቲ፤ ቃሲ ጌሻ ኣያና ማሻ ጊዳዳ ያሳ ቃላ ኦይቂቲ።
- 18 ያሳ ዎሲዲኔ ኣ ማዲዎ ኦቺይ፣ ኡባ ዎዴ ጌሻ ኣያናን ያሳ ዎሲቲ። ሄዎ ዲራው፣ ሚኒቲ፤ ሳሌቶፒቲ፤ ጌሻቲዎ ኡባው ያሳ ኡባ ዎዴ ዎሲቲ።
- 19 ቃሲ ታኒ ያዩናን ዎንጋላ ፀራ ኦዳናው፣ ያሳይ ታ ዶና ዶዩይ፣ ሃሳዩያዎ ኣማናዳን፣ ታወካ ያሳ ዎሲቲ።
- 20 ታኒ ሃዲ ቃሹዎን ዴፖፔካ፣ ሃ ዎንጋላ ዲራው ታኒ ኪቲቲዳዎ፤ ታኒ ኣባ ታው ቤሲያዎዳን ያዩናን ኦዳና ማላ፣ ታው ያሳ ዎሲቲ።

ወርሱላ ሳሮታ

- 21 ሺን ታኒ ዋና ዴዲንቶኔ ኣያ ኦላይታንቶ ሂንቲካ ኤራናዳን፣ ኑ ሲቆ ኣሻይ፣ ጎዳ ኦሱዎን ኣማኔቲዳ ቆማይ ቲኪቆሲ፣ ታዎ ኡባ ሂንቲንቶ ኦዳና።
- 22 ኮኒ ኡባይ ዋኒ ዴዲንቶ ሂንቲንቶ ኦዲይ፣ ሂንቲና ሚኒሳና ማላ፣ ታኒ ኣ ሂንቲኮ ኪታዲ።
- 23 ያሳ ኣወዎፔኔ ጎዳ ዩሱሲ ኪሪሰቶሳፔ ሳሮቲላይኔ ሲቆቲላይ ኣማኑዎና ኣቲፔ ኣሻቲዎ ኡባው ጊዶ፤

* **6:13** ኢታ ጋላሳን፡ ሃዲ ዴዲያ ዎዲያ ዎይ ሃይቁዎ ጋላሳ ዎይ ወርሱላ ፐርዳ ዎይ ሙራ ጋላሳ ጊያዎ። **6:14-15** ኣሳ 52:7 **6:17** ኣሳ 59:17 **6:21** ኪት 20:4፤ 2፻፵ 4:12 **6:21** ቆል 4:7-8

24 ደቼና ሰቁዋን ኑ ጎዳ ዩሱሲ ኪሪስቶስ ሰቂያ ኡባቱዋና
ጾሳ አጾ ከካቴላይ ጊድ። አሜንዒ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c